



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/2-02-~~1077~~ /21

Datum: 13 . 09 .2021.godine

Na osnovu člana 69. stav (2) tačka e) i člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), Pravilnika o planiranju nabavki, provođenju postupaka javnih nabavki i izvršenju ugovora („Službeni glasnik Općine Visoko”, broj: 01/19), otvorenog postupka javne nabavke za čišćenja i sanacije tla na divljim deponijama pokrenutog Odlukom broj: 01/2-02-675/21 od 24.06.2021. godine i objavljenog na Portalu javnih nabavki Obavještenjem o nabavci broj: 870-1-2-18-3-42/21 od 24.06.2021. godine, donosim:

O D L U K U

o poništenju postupka javne nabavke objavljenog Obavještenjem broj: 870-1-2-18-3-42/21

I

Grad Visoko je pokrenuo otvoreni postupak javne nabavke za čišćenja i sanacije tla na divljim deponijama Odlukom o pokretanju postupka broj: 01/2-02-675/21 od 24.06.2021. godine.

II

Obzirom da je cijena ponude ponuđača Atlas-D d.o.o. Visoko znatno veća od procijenjene vrijednosti predmeta javne nabavke, poništava se postupak javne nabavke.

III

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za čišćenje i sanaciju tla na divljim deponijama Odlukom o pokretanju postupka broj: 01/2-02-675/21 od 24.06.2021. godine.

Postupak je objavljen na portalu javnih nabavki Obavještenjem o nabavci broj: 870-1-2-18-3-42/21 dana 24.06.2021.godine i u Službenom glasniku BiH, broj: 41 od 02.07.2021.godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/2-02-676/21 od 24.06.2021.godine, u sastavu:

1. Nahida Fejzić, predsjedavajuća
2. Semir Masnopita, član
3. Anela Fazlić, član
4. Ilma Slijepčević, sekretar

U roku za dostavljanje ponuda 13.07.2021.godine (utorak) do 14:00 sati dostavljena je ponuda ponuđača:
1. Atlas-D d.o.o. Visoko.

Otvaranju ponude prisustvovao je i predstavnik ponuđača Atlas-D d.o.o. Visoko, Kenan Dlakić.

Komisija je pročitala cijenu ponude ponuđača Atlas-D d.o.o. Visoko i konstatovala da ista iznosi 46.928,10 KM bez PDV-a.

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



Komisija je nakon uvida u Izvještaj o preuzimanju tenderske dokumentacije od strane ponuđača utvrdila da je ponuđač preuzeo Tendersku dokumentaciju.

Dana 13.07.2021.godine (utorak) u 14:15 sati Komisija se sastala i pristupila otvaranju pristigle ponude. Pročitana je cijena ponude:

Rbr.	Ponuđač	Ukupna cijena ponude bez PDV-a	Popust (KM bez PDV-a)
1.	Atlas-D d.o.o. Visoko	46.928,10 KM	Nema

Kada je riječ o dostavljanju kopije zapisnika o otvaranju ponude Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14).

Komisija je prilikom evaluacije ponude konstatovala sljedeće:

Ponuda ponuđača Atlas-D d.o.o. Visoko je blagovremena, računski tačna i dostavljena u skladu sa uslovima iz Tenderske dokumentacije. Ponuđač je u okviru ponude dostavio dodatnu dokumentaciju iz člana 45. Zakona o javnim nabavkama ("Službeni glasnik BiH", broj: 39/14) u skladu sa propisanim uslovima iz Tenderske dokumentacije.

Komisija je konstatovala da je procjenjena vrijednost predmeta Javne nabavke 29.914,53 KM (bez PDV-a) odnosno 35.000,00 KM (s PDV-om), a ponuđač je dostavio ponudu u iznosu od 46.928,10 KM (bez PDV-a) odnosno 54.905,88 KM (s PDV-om), što je za 17.013,57 KM (bez PDV-a) odnosno 19.905,88 KM (s PDV-om) više od procjenjene vrijednosti, što procentualno znači da je ponuda veća za 56,88% od procjenjene vrijednosti.

Komisija se obratila nadležnoj Službi dana 26.07.2021. godine radi davanja izjašnjenja da li se mogu obezbijediti potrebna dodatna novčana sredstva za dalji postupak Javne nabavke.

Komisija je na sastanku održanom dana 13.09.2021.godine izvršila uvid u Izjašnjenje dostavljeno od nadležne Službe i konstatovala da je nadležna Služba dostavila Izjašnjenje broj: 02/2-27-629/21 od 13.08.2021. godine u kojem je navedeno da Služba ne može obezbijediti dodatna sredstva u iznosu 17.013,57 KM (bez PDV-a) odnosno 19.905,88 KM (s PDV-om).

Komisija je predložila poništenje postupka javne nabavke.

U skladu sa navedenim i prijedlogom Komisije, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. "Atlas-D" d.o.o. Visoko,
2. Evidencija,
3. a/a.-

